

新的一年,我可以去珠江边新地标“扬帆起航”啦!去年年底重新开放船台1914,一下子就刷爆网络,唔少街坊睇完都发出惊呼:呢个仲係我哋认识嘅芳村吗?经过国际建筑大师隈研吾团队操刀改造,百年船坞冲破时光桎梏,摇身一变成为艺术地标,让大家解锁一种新江景姿势,随手一拍都係大片。

黄译萱/文 黄译萱、汤唯闻/图



# 百年船坞 扬帆起航



天台放肆影

从11号线鹤洞东站出来,就可以直达船台1914。远处船台,好似迎风扬起帆,又似高高翘起船头,打造出错落有致观景平台。一到傍晚时分,夕阳为楼梯镀上一层金边,就係拍摄剪影大片嘅黄金时机。行上台阶,恍如行上星光熠熠天台,铁锈色表面係岁月专属印记,充满独有的工业质感。楼梯中间点缀花丛,好似锈迹斑斑上茁壮生长,为硬朗工业风添几分文艺清新,俯下身靠近花丛更加出片。爬上船头最尖端位置,整个珠江航道尽收眼底,难怪呢度成为打卡必争之地。行落下沉广场,超长走廊屋檐线条同天空勾勒出几何构图,让照片瞬间充满纵深感。来到江边记得回头望,完整船台全貌展露眼前,气派十足又充满艺术感。水闸前的人造瀑布,十足十船头掀起浪花,同旁边船台相映成趣,随便点拍都好有艺术feel,等夜晚灯光亮起,呢度即时变身时尚天台。



回忆劲威水

如果你对船台后嘅数字“1914”感到好奇,咁来到现场就可以搵到答案啦!“1914”唔单止係广南船坞1914年创造嘅威水史,更係广船百年修船史嘅回忆录。打卡人群中,不时有老职工指住某个方向,和屋企人细细讲起但嘅青春往事。江边生锈嘅水井盖和船墩,充满岁月痕迹嘅老旧水闸、巨型红色龙门吊,通通都被精心保留;原先新船入水嘅轨道,被巧妙改造成高低错落嘅石台,一路向着江水延伸,仿佛穿越历史同现实嘅时光隧道;下沉广场嘅珠江会客厅,展出船台嘅前世今生。大家漫游其中,或者影相打卡嘅时候,都可以感受到船台曾经嘅辉煌风光,有种时空交错嘅奇妙感觉。



周边有新嘢

船台1914唔单止有靓爆嘅自然景观,内里仲超有料!未来呢度会迎来中国内地首家葛屋书店空间、苹果Vision Pro XR艺术馆等好地方。打完卡,不妨行下周边,解锁更多惊喜!从船台1914出发,沿江滨江步行道大概16分钟,就嚟到广船滨江公园。滨江步行道上嘅齿轮部件,记录住呢度曾经嘅工业地位,透过齿轮睇江上往来嘅船只,别有一番风味。公园里面异木棉花正开得灿烂,细路仔嘅船型游乐设施中玩到唔舍得走,係周末遛娃嘅绝佳去处。行到幼处,就搭11号线去大冲口,聚龙湾太古里已经正式开门迎客,穿过高低起伏嘅纯白走廊去觅食,打卡网红新店。由日头玩到夜幕降临,沉浸式感受芳村全新地标嘅蝶变。



# 环山218 探寻最美风景

新的一年,可乐君要同大家一齐探寻最美的风景!“218最美旅游公路”全长218公里,係一条环绕罗浮山与南昆山的“8”字形环山公路。除2025年国庆“黄金周”期间,但吸引咗近80万游客,今期,可乐君就带大家睇下,呢条自驾路线点解咁火爆!

郭玮/文 (环南昆山—罗浮山引领区文史简本),羊城晚报/图

## 十六乐事,一站一趣

苏东坡曾在《东坡志林》中列出人生十六件赏心乐事,勾勒但心目中朴素又有诗意嘅生活情趣,就算遇到坎坷,仍keep住对生活嘅热爱。“218最美旅游公路”对应住东坡乐事解读,将沿途16个驿站打造成游客歇息打卡的好玩之地。惠州龙门县嘅“香溪湾驿站”,设有湖畔书吧,游客可以乘江风观鸟、阅读,感受“清溪浅水行舟”——苏轼与好友泛舟溪水上嘅悠闲豁达。增江古村畔嘅“长亭驿站”,江边步道可以骑行,又可以体验非遗技艺,让大家充分体验“柳荫堤畔闲行”,苏东坡描写嘅那份闲情逸致。麻榨镇嘅“千年古榕驿站”,每月有琴会在古树举行,听琴会友,寻知音之乐,让苏东坡笔下“抚琴听者知音”有了具象。16个驿站对应十六件乐事,在218公里中体验到不同的人生乐趣。



## 舌尖漫游,山水入味

广东人咁中意食,出去玩一定胃口大开。环两山路线,贯穿博罗、龙门两县9个镇及54个村,食客可以从惠州博罗到龙门,一路饮食美食。罗浮山嘅豆腐花,采用千年泉眼嘅清泉水制作,豆香浓郁,口感细腻。客家豆腐有口皆碑,鲜豆腐融入葱蒜肉馅,先煎后焖,让豆香与肉香融合,齿颊留香。客家娘酒饱含客家人对生命的祝福,而春酒则係取药材精华炮制而成,好养生嘅!用嚟宴客、送礼都好正。龙门年饼係传承咗500年嘅非遗手艺,炒米、磨粉、备馅、印饼每个步骤都蕴含人们对新春嘅美好祝福。传统美食既係大自然嘅馈赠,亦承载住人们嘅美好期待,每食一啖都有幸福嘅感觉。

## 一图一本,畅游无忧

为咗方便大家更全面、便捷咁探索环两山路线嘅自然景色与人文魅力,广东省政协文化和文史资料委员会联合羊城晚报报业集团,在深入调研基础上系统梳理信息,共同编写咗《环南昆山—罗浮山引领区文史简本》一书,该简本整合了自然风貌、广府与客家文化、文化旅游路线等资源,为大家展现了环南昆山—罗浮山引领区旅游路线嘅特色。同步上线嘅仲有“环南昆山—罗浮山文旅”嘅H5电子地图,方便游客选择定位、了解路线、预测路况,根据导航,顺畅咁抵达目的地,进一步提升了“环两山”嘅旅行便利性。如果你都有兴趣,不妨带上呢份指南,一起启程“环两山”自驾游,感受“218最美旅游公路”嘅魅力啦。

